

Վ. Ա. ԲԱՅԲՈՒՐԳԱՆ—ԹՈՒՐԲ-ԻՐԱՆԿԱՆ ԿԱՐԱՐԵՐՈՒԹՅՈՒՆՆԵՐ (1900—1914 թթ.). ՀՍՍՀ ԳԱ հրատարակչություն, Երևան, 1974, 389 էջ:

Արևելքի երկրների սոցիալ-տնտեսական պատմության հարցերի ուսումնասիրության հետ մեկտեղ խիստ կարևոր նշանակություն ունի նաև այդ երկրների քաղաքական պատմության և միջազգային հարաբերությունների պրոբլեմների գիտական հետազոտությունը: Սակայն ինչպես սովետական, այնպես էլ արտասահմանյան պատմագրության մեջ աննշան թիվ են կազմում այնպիսի ուսումնասիրությունները, որոնցում քննվում են Մերձավոր Արևելքի նախկինում խոշորագույն պետության՝ Օսմանյան կայսրության արտաքին քաղաքականության հարցերը, մասնավորապես հարևան երկրների նկատմամբ նրա նվաճողական քաղաքականությունը: Դա մասամբ կարելի է բացատրել նրանով, որ սովետական և արտասահմանյան մի շարք գիտնականներ ևլենինով Թուրքիայի կիսագաղութային իրավիճակից, այն դիտել են իբրև իմպերիալիստական պետությունների նվաճողական քաղաքականության օբյեկտ կամ նրանց կամքի սոսկական կամակատար: Հետևաբար, նրանք Թուրքիան համարել են արտաքին քաղաքականության հարցերում նախաձեռնությունից և գործողությունների ազատությունից զուրկ պետություն:

Փաստերը, սակայն, խոսում են այն մասին, որ Օսմանյան կայսրության կախյալ վիճակը իմպերիալիստական պետություններից և նրա կիսագաղութ լինելը բնավ չէր խանգարում և չէր բացառում այն, որ սուլթանական Թուրքիան ինքնուրույնություն հանդես բերեր արտաքին քաղաքականության և դիվանագիտության ասպարեզում: Հարկ է նշել, որ իմպերիալիզմի դարաշրջանում մեծ տերություններից տնտեսական կախումը չի նշանակում առհասարակ այս կամ այն կիսագաղութային, կախյալ պետության քաղաքական ինքնուրույնության լրիվ կորուստ, մանավանդ, եթե խոսքը վերաբերում է արտաքին քաղաքականության հարցերին և այնպիսի մի պետության, որպիսին էր Օսմանյան կայսրությունը:

Տարբեր երկրների իմպերիալիստների պայքարը կապիտալների ներդրման ոլորտների, արտահանության շուկաների և հումքի աղբյուրների համար գործունեության որոշակի ասպարեզ կարող է ընձեռել այս կամ այն կախյալ երկրի դիվանագիտությանը: Այս դրույթի հիմնավորման լավագույն օրինակ կարող է ծառայել Օսմանյան կայսրության նվաճողական քաղաքականությունը Իրանի նկատմամբ XX դ. սկզբից մինչև առաջին համաշխարհային իմպերիալիստական պատերազմն ընկած ժամանակահատվածում: Վ. Բայբուրգյանի մենագրության մեջ համոզիչ կերպով ցույց է տրված, որ խուսանավելով տարբեր իմպերիալիստական պետությունների ու ընդհանրի միջև և շանալով ի շահ իրեն օգտագործել նրանցից որևէ մեկին, Օսմանյան կայսրությունը շատ դեպքերում է կարողացել վարել միանգամայն ինքնուրույն արտաքին քաղաքականություն:

Գրքի առաջին գլխում քննության է առնված թուրք-իրանական հարաբերությունների պատմությունը՝ սկսած XVI դ., երբ Օսմանյան Թուրքիայի և Սեֆյան Իրանի միջև լարված քաղաքական պայքար էր մղվում Մերձավոր և Միջին Արևելքում գերիշխանություն ձեռք բերելու նպատակով: XIX դ. երկրորդ կեսին—XX դ. սկզբին Հյուսիսային Աֆրիկայում, Բալկաններում և Միջերկրականի՝ ավազանում իմպերիալիստական տերությունների գաղութային քաղաքականության ու բուն կայսրության ճնշված ժողովուրդների ազգային-ազատագրական շարժումները հետևանքով կրելով հսկայական տարածքային կորուստներ և անկարող լինելով հաղթահարելու ավատական վարչակարգի ճգնաժամը, թուրքական կառավարող շրջանները, այսուհանդերձ, կրկին փորձում էին բռնել ռազմական զավթումների ուղին: Նման քաղաքականության նպատակն էր վերստին ամրապնդել սուլթանական կառավարության դիրքերը, շեղել կայսրության ժողովուրդների ուշադրությունը ներքին ծանր ցնցումներից և արտաքին-քաղաքական մշտական անհաշտություններից, զենքի օգնությամբ արմատախիլ անել բուն Թուրքիայում և հարևան

երկրներում ձևավորված ազգային-ազատագրական պայքարը և, վերջապես, մասնակիորեն փոխ-
հատուցել հսկայաձավալ տարածքային կորուստները:

XX դ. սկզբին Օսմանյան կայսրության կառավարող շրջաններում վերջնականապես տիրա-
պետող դարձավ այն տեսակետը, որ իմպերիալիստական պետությունները Թուրքիայի առջև
անհաղթահարելի պատենջ են ստեղծել նրա հեռավոր ընդարձակման համար ոչ միայն Արև-
մուտքում՝ Եվրոպայում, այլև Աֆրիկայում և Ասիայում: Խիստ դժվարացել էր անգամ Թուր-
քիայի տարածքային status quo-ի պահպանման հարցը: Նման պայմաններում, համաձայն
թուրքական կառավարողների մտայնության, անհրաժեշտ էր կայսրության արտաքին քաղա-
քականության ծանրության կենտրոնը տեղափոխել զեպի Արևելք՝ Իրան, Կովկաս, Աֆղան-
ստան, Թուրքեստան և այլն: Արդեն XX դ. սկզբին թուրքական պանիսլամիստների այս տեսա-
կետը սկսեց գործնականում իրադրվել՝ բարձրացվելով պետական քաղաքականության մա-
կարդակի: Հեղինակը փաստերով ցույց է տալիս, որ Թուրքիան, զեպվարվելով ֆեոդալա-կայ-
վածատիրական պետության ուղիղ-ֆեոդալական վերնախավի և թուրքական նորերուկ բուր-
ժուազիայի շահերով, չնայած իր կիսադեպոլիտիկ վիճակին, ձգտում էր իմպերիալիստական
տերությունների հետ համատեղ մասնակցություն ունենալ Իսլամի բաժանելու և մասնատելու
գործում: Այսպիսով, աշխատության հանդիմանական խնդիրներից անկն է Օսմանյան կայսրու-
թյան աքտաբին բաղադրականության ինքնուրույն, անկախ բնույթի բացահայտումը:

Գրքում հանդամանորեն լուսարանվում են XX դ. սկզբից մինչև առաջին համաշխարհային
պատերազմն ընկած ժամանակաշրջանում Իրանում Թուրքիայի ձավալած գործունեության
մասնաշարհերն ու զինամիկան, թուրքական սեպկցիայի մեծադեպական հավակնությունները
Իրանական Աղբյուրների և Քրդստանի նկատմամբ: Հանդամանորեն վերլուծվում էն նաև Իրան
հերթափանցելու և տարածքային գոյությունը կատարելու ուղղությամբ Օսմանյան Թուրքիայի
կիրառած մեթոդներն ու ձևերը, ցույց է տրվում, որ 1905—1911 թթ. իրանական հեղափոխու-
թյունը չախալվել է ոչ միայն իմպերիալիստական Անգլիայի, ցարական Ռուսաստանի և
ներքին ուսակցիայի համատեղ ջանքերով, այլև թուրքական կառավարող շրջանների իրականաց-
րած ուղիղ-հակահեղափոխական ինտերվենցիայի շնորհիվ, մի հանգամանք, որը մինչ
այժմ տնտեսվել է պատմագրության կողմից:

Գրքում բացահայտվում է Թուրքիայի ազդեցիկ քաղաքականության դերը՝ Միջին Արևել-
քում իմպերիալիստական հակասությունների սրման գործում: Այդ իսկ պատճառով աշխատու-
թյան հետադրություն մեթոդ է հանգիստացել թուրք-իրանական հարաբերությունների բնու-
թյունը, երևի տերությունների՝ Ռուսաստանի, Անգլիայի և Գերմանիայի փոխհարաբերություն-
ների ևստիտորի վրա, բանի որ դրանք էական ազդեցություն ունեցան թուրք-իրանական հա-
րաբերությունների զարգացման գործում:

Նկատի ունենալով, որ Իրանի նկատմամբ իր նվաճողական ծրագրերն իրականացնելու
թուրքական կառավարող շրջանները սերտորեն համագործակցում էին գերմանական իմպերիա-
լիզմի հետ, դրքում որոշակի տեղ է հատկացված նաև գերմանական դադոթային քաղաքակա-
նության առանձնահատկությունների բնութագրմանը: Մասնավորապես բացահայտվում է այն
հարցը, որ թուրքական կառավարող շրջանների պանիսլամական և պանթուրական ծրագրերը
միշտ էլ բախման մեջ էին մտնում Գերմանիայի տոտալ հեղեմոնիզմի հետ: Գերմանիան ոչ
միայն չէր ցանկանում Միջին Արևելքում իր ապագա բաժնից մասն հանել Թուրքիային, այլ,
ընդհակառակը, ծրագրում էր դադոթացնել: Ողջ Օսմանյան կայսրությունը: Բայց եթե Գերմա-
նիան ձգտում էր Թուրքիայի օգնությամբ Անգլիային ու Ռուսաստանին դուրս մղել Իրանից և,
առհասարակ, Մերձավոր ու Միջինարևելյան շուկաներից և այդ պատճառով նեցուկ էր հանդի-
սանում Թուրքիայի «իրաւական» քաղաքականությանը, ապա Օսմանյան կայսրությունը, իր
հերթին, սեփական նպատակների համար, հաջողությամբ կարողանում էր օգտագործել գեր-
մանական իմպերիալիզմի ուժն ու հզորությունը, նրա միջազգային կշիռը: Այստեղից հեղի-
նակը հանգում է այն եզրակացության, որ թեև նախապատերազմյան շրջանում գերմանական
ազդեցությունը թուրքական կառավարող շրջանների վրա հասել էր աննախընթաց չափերի,
սակայն երբևէ Թուրքիան չվերածվեց գերմանական իմպերիալիզմի կույր գործիքի: Գրքում
բերված նմանօրինակ փաստերը կոչված են հերքելու ու հերքում են արևմտյան և սովետական
պատմագրության մեջ ժամանակին լայն տարածում գտած և զեռ այժմ էլ որոշ չափով պաշտ-
պանվող այն տեսակետը, որ Թուրքիան առաջին համաշխարհային պատերազմի մեջ մտավ և,
ի միջի այլոց, առաջինը խախտեց Իրանի չեզոքությունը, բացառապես գերմանական իմպե-
ռիալիզմի թելադրանքով:

Իրրում որոշ տեղ է հատկացված նաև, այսպես կոչված, թրդական հարցին վերլուծմանը, բանի որ այդ հարցը թուրք-իրանական հարաբերություններում խաղում էր կարևորագույն դեր։ Թուրքիայի նվաճողական բաղադրականությունն Իրանի նկատմամբ կարևոր տեղ է դրավել իր ժամանակի միջադրության բախումների շարքում, շոշափելով տարբեր իմպերիալիստական խմբավորումների շահերը և առաջին համաշխարհային պատերազմի նախօրյակին ևս սրելով մեծ տերությունների միջիմպերիալիստական հակասությունները։ Հետևաբար, թուրքական կառավարող շրջանների ազդեցիկ արտաքին-քաղաքական ծրագրերը անխզելիորեն կապված էին մեծ տերությունների իմպերիալիստական քաղաքականության և նրանց հակասությունների օգտագործման հետ։

Թուրքիայի նվաճողական քաղաքականությունն Իրանի նկատմամբ հիմնականում հետապնդում էր հետևյալ նպատակները. իրանական պետությունից կատարված տարածքային զավթումների հաշվին ընդարձակել Օսմանյան կայսրության գաղութային տիրույթները, իրագործել թուրքական կառավարող շրջանների պանիսլամական և պանթուրքական ծրագրերը Իրանական Ադրեջանի և Քրդստանի նկատմամբ, ի չիք դարձնել Ռուսաստանի տնտեսական և բաղադրական ազդեցության ուժեղացումը Հյուսիսային Իրանում, կասեցնել նրա հետագա առաքյալացածան փորձերը դեպի Մերձավոր Արևելք, մասնավորապես, դեպի Միջագետք, շրջափակել Անդրկովկասը և հարավից մոտենալ նրա սահմաններին, ուղի հարթել դեպի «ապագայի իդեալական երկիրը» Թուրան, շեղել կայսրության ճնշված ժողովուրդների ուշադրությունը ներքին պրոբլեմներից և չախախել նրանց ազգային-ազատագրական շարժումները, թուլացնել ուսումնական հեղափոխության գաղափարական հզոր ազդեցությունը Թուրքիայի վրա, կասեցնել հեղափոխական ալիքի ներթափանցումը Իրանից Թուրքիա և այլն։

Իրանի նկատմամբ իր պանթուրքական և պանիսլամական ծրագրերն իրագործելու համար, ուղղակի զինված ինտերվենցիայից զատ, Իթթիհադը փորձում էր օգտագործել նաև իրանական ժողովուրդների ազգային ինքնագիտակցության արթնացման փաստը, քարոզելով Թուրքիայի հովանավորությամբ Ադրեջանի «ինքնավարության» և ապա Թուրքիային միացնելու դադափարը։ Պանթուրքիզմի ադրեսիվ գաղափարախոսության գործնական իրականացման ճանապարհին «Միասնություն և առաջադիմություն» կոմիտեն ամենաուղիղ խոչընդոտը համարում էր «հայկական պատենչը», որը հաղթահարելու համար 1915 թ. Իթթիհադը ձեռնամուխ եղավ Արևմտյան Հայաստանի և առհասարակ Թուրքիայի հայ ազգաբնակչության բնաջնջմանը։ Թուրանականության ճանապարհին ընկած երկրորդ խոշոր խոչընդոտ դիտվում էր Իրանը, ինչպես նաև Ռուսաստանի կողմից թուրքական առաքյալացման դեմ կառուցված կուռ պատենչը։

Սակայն զավթումների օսմանյան քաղաքականության գործիչները մինչև առաջին համաշխարհային պատերազմի սկիզբը չէին հաշտվել իրանական հողերից հեռանալու մտքի հետ։ Նրանք իրենց դաշնակցի՝ գերմանական իմպերիալիզմի, ամենագործուն աջակցությամբ պատրաստվում էին Իրանի, Անդրկովկասի, Միջին Ասիայի և Աֆղանստանի նկատմամբ կենսագործել իրենց պանիսլամական ծրագիրը, օժնոթ թուրքական կայսրություն՝ ստեղծելու պանթուրքական դադափարը։ Այդ ծրագրումներն իրագործելու նպատակով էլ 1914 թ. Թուրքիան նետվեց համաշխարհային պատերազմի թռհուրհի մեջ, առաջին հերթին փորձելով զենքի ուժով ապահովել իր «կենսական շահերը» Իրանում։

Վ. Բալուրդյանի աշխատությունը գրված է հարուստ փաստական հենքի վրա. օգտագործված են ուսումնական արխիվների նյութերը, տպագիր գրականություն և մամուլ՝ արևմտաեվրոպական լեզուներով, ինչպես նաև պարսիկ, թուրք և հայ հետադոտոգների բազմաթիվ աշխատություններ։ Անկասկած, աշխատությունը մեծապես կշահեր, եթե տրվեր աղբյուրների և գրականության հանդամանալից տեսություն, ինչպես նաև առաջաբան ու եզրափակում։ Մասնակի թերություններից են անունների տարրեթերցումները։ Կարծում ենք, որ հեղինակը պետք է ավելի հանդամանալից խոսեր այսպես կոչված «պարսկական ժառանգության» նկատմամբ թուրքական հավանությունների մասին XVIII դ., որը գաղափարական առումով նախորդել է թուրքական հետագա քաղաքականությանը Իրանի նկատմամբ։

Վ. Բալուրդյանի դրախտավող դիրքը կարևոր արևելագիտական հետազոտություն է, որը նոր լույս է սփռում թուրքական դիվանագիտության մեթոդների վրա, ինչպես նաև բացահայտում է պանիսլամիզմի և պանթուրքիզմի ղեկավարներին։

Վ. Ա. ԴԻԼՈՅԱՆ

Պատմական գիտությունների բեկեածու